

Toshkent kimyo-texnologiya instituti professor-o'qituvchilari va talabalarining Ozarbayjon Respublikasida tashkil etilgan "Yozgi maktab" dasturi doirasida stajirovka o'taganligi bo'yicha
HISOBOT

24-27 iyul kunlari Toshkent kimyo-texnologiya instituti Korxonalar va ta'lim muassasalari bilan ishlash bo'yicha prorektori Shernayev Anvar Normamatovich boshchiligida 5 nafar professor-o'qituvchilar va 10 nafar talabalar Ozarbayjon Respublikasining Baku, Quba va Lankaran shaharlaridagi zamonaviy horijiy ishlab chiqarish korxonalari va ta'lim muassasalari bilan tanishish maqsadida tashkil etilgan yozgi amaliyot va stajirovka dasturida ishtirok etishdi.

Mazkur "Yozgi maktab" stajirovka dasturi O'zbekiston -Ozarbayjon-Turkiya tadbirkorlar assotsiatsiyasi hamda Ipoteka bank hamkorligida tashkil etildi.

Dastur doirasida Baku shahridagi tarixiy joylarga jumladan Shahidlar xiyoboni, Adabiyot muzeyi, Minatyur kitoblar muzeyi, Qiz qal'asiga sayohat tashkil etildi.

Bundan tashqari Buyuk Kavkaz tog'larining shimoliy-sharqida joylashgan Quba tumanidagi Qudiyaldaryosi ko'prigi (Ozarbayjonning pochta markasida aks etgan), Qirmizi kasaba shaharchasida joylashgan Quba soyqirim memorial kompleksi hamda Quba o'rmon va ko'llariga tashrif buyurildi.

Ozarbayjon Respublikasida "Yozgi maktab" stajirovka dasturi doirasida 5 nafar professor-o'qituvchi va 10 nafar talaba-yoshlar O'zbekiston Respublikasining Ozarbayjon Respublikasidagi elchixonasiga tashrif buyurishdi.





Tashrif davomida Ozarbayjon Respublikasida nufuzli telekanali hisoblangan Xazar TV telekanalida "Xabarlar" teledasturida Korxonalar va ta'lim muassasalari bilan ishlash bo'yicha prorektor A.N. Shernayev, Qo'shma ta'lim dasturlari magistranti R.I. Anorbayev, O'zbekiston-Ozarbayjon-Turkiya tadbirkorlar assotsiatsiyasi raisi Ruslan Imanzade "O'zbekiston-Ozarbayjon Oliy ta'lim muassasalari hamkorligininig yangi bosqichi" mavzusidagi jonli efirda ishtirok etishdi.



Dastur doirasida Haydar Aliyev jamg'armasi tashabbusi bilan Qal'a davlat tarix-etnografiya qo'riqxonasi hududida tashkil etilgan "Chiqindidan san'atga"

muzeiyga sayohat tashkil etildi. Muzey ekologik muammolarga jamoatchilik e'tiborini jalb qilish maqsadida tashkil etilgan bo'lib, bunda ushbu maqsadga erishish uchun san'atning nozik va jozibali o'zgartirish kuchi bilan yaratilgan san'at namunalari har bir narsaning bir qarashda sezilmaydigan sirli go'zalligi ochib berilgan. Muzeyga tashrif davomida professor -o'qituvchi va talabalar mahorat bilan yaratilgan san'at asarlaridan bahramand bo'lishdi.

Ozarbayjon Respublikasida "Yozgi maktab" dasturi doirasida professor-o'qituvchi va talabalar 2011 yil 29 noyabrda tashkil etilgan neft sanoatida yuqori malakali kadrlar tayyorlaydigan **Baku oliy neft maktabida** bo'lishdi. Ozarbayjon davlat neft kompaniyasi qoshida tashkil etilgan maktab universitet maqomiga ega bo'lib, Ozarbayjon oliy o'quv yurtlari orasida ISOning uchta yo'nalishi bo'yicha sertifikat olgan yagona maktabdir.

Tashrif davomida Baku oliy neft maktabi, mavjud fakultetlar, ta'lim yo'nalishlari, talabalar hayoti, xalqaro aloqalar haqida batafsil ma'lumot oldilar hamda o'quv va ilmiy laboratoriyalarga ekskursiya qildilar.

Yuqorida keltirilgan o'rganishlardan tashqari dastur doirasida **Baku oliy neft maktabi** kutubxonasi bilan ham tanishildi va u yerdagi mavjud o'quv, ilmiy va boshqa turdagi adabiyotlarni xili, tarkibi va xizmat ko'rsatish uslublari o'rganib chiqildi.



Bundan tashqari professor -o'qituvchi va talabalar **Ozarbayjon Davlat neft va sanoat universitetiga** tashrif buyurishib, universitet tuzilish strukturasi, universitetda mavjud bo'lgan bakalavriat ta'lim yo'nalishlari va magistratura

mutaxassisliklar, doktorantura ixtisosliklari maktabida olib borilayotgan ilmiy-tadqiqot yo'nalishlari va dasturlari va universitetda mutaxassislar tayyorlash bo'yicha olib borilayotgan laboratoriya mashg'ulotlari, jihozlanishi va ta'minlanishi bo'yicha yetarli darajada ma'lumotlarga ega bo'lishdi hamda ikki tomonlama hamkorlikni yanada mustahkamlash, professor-o'qituvchilar va talabalarni o'zaro almashinuvini yo'lga qo'yish, hamkorlikda yozgi maktablar tashkil etish, qo'shma ilmiy maqolalar va loyihalarni amalga oshirish kabi masalalar muhokama qilindi.



"Yozgi maktab" dasturi yakunida professor -o'qituvchi va talabalar Kasbiy dengizi sohilida joylashgan Lankoran viloyatiga ham sayohat qilishdi.





Tashrifning so'ngi kunida Lankaran shahridagi zamonaviy ishlab chiqarish korxonalariga tashrif uyushtirildi. Ozarbayjon Respublikasining kimyoviy texnologiya sohasida yetakchi bo'lgan "Lider" fabrikasi, Lankaran shahrining "Lankaran choy fabrikasi" hamda "As Granat" ishlab chiqarish korxonasiga tashrif uyushtirildi. Tashrif davomida korxonolarning ishlab chiqarish liniyalari, jarayonlari va uskunalar bilan yaqindan tanishtirilib o'tildi.



TKTI Korxonalar va ta'lim muassasalari
bilan ishlash bo'yicha prorektor

Shernayev A.N.